



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Lvitprandi Ticinensis Diaconi Opvscvlvm, De Vitis  
Romanorvm Pontificvm**

**Liutprandus <Cremonensis>**

**Mogvntiae, 1602**

II.

**urn:nbn:de:hbz:466:1-11115**



## EXCERPTVM

# DE GESTIS ROMANO- RVM PONTIFICVM EX LI-

BELLO, QVI CONTINET GESTA ROMANO-  
RVM PONTIFICVM, QVAE DE SINGVLIS EORVM SVO

ordine vtilia posteris iudicavit ALBO Floriac.\* breuiter ac v-  
tiliter decerpit, secutus veritatem DAMAS, Romanæ  
Ecclesiarum Pontificis, qui eundem libellum scripsit roga-  
tu Hieronymi diuinæ legis interpretis.

\*erasmusras  
in MS. Mo-  
nachi, vol  
Abbatis.

## I.

**B**EATVS PETRVS, princeps Apostolorum, Antiochenus, filius Ioannis, prouinciae Galilee, vico Bethsaida, frater Andreæ, primum tenuit cathedram Episcopatus in Antiochia annis 7. & post in urbe Roma annis 25. mensibus 2. diebus 3. Hic ordinauit tres Episcopos, Linum, Cletum & Clementem. ex quibus, Linus & Cletus præsentialiter omne ministerium sacerdotale in urbe Roma populo superuenienti exhibuerunt, dum ipse Petrus orationi & prædicationi vacaret. Clementi verò cathedram, vel Ecclesiam omnem disponendam commisit. Post hæc martyrio cum Paulo coronatur post passionem Domini, anno 38. & sepultus est via Aurelia in templo Apollinis iuxta locum, ubi crucifixus est, in Vaticano, 3. Kalend. Iulii.

## II.

**L**INVS, natione Italus, regionis Tuscianus, patre Herculano, sedet annis 11. mensibus 3. diebus 12. Et constituit, ut mulier in Ecclesiam velato capite introiret; martyrioque coronatus sepultus est iuxta corpus B. Petri in Vaticano, sub die 9. Kalend. Octobr.

## III.

**C**LETVS, natione Romanus, de regione vici patritii, patre Amyiano, sedet annis 12. mense 1, diebus 11. Martyrioque coro-  
natus,

Q